



ŠPD "UNSKO-SANSKE ŠUME" d.o.o. Bosanska Krupa, Radnička bb

Telefon: +387 37 476-901
Fax: +387 37 476-929
Komerčijala: +387 37 476-906
Fax komerc: +387 37 476-920

Identifikacioni broj: 4263074140004
Porezni broj: 11071044
E-mail: kontakt@ussume.ba
Web: www.ussume.ba

Broj: 011-2865-2/17

Bosanska Krupa, 09.10.2017. godine

Na osnovu člana 43. Statuta ŠPD "Unsko - sanske šume" d.o.o. Bosanska Krupa, Nadzorni odbor ŠPD "Unsko - sanske šume" d.o.o. Bosanska Krupa raspisuje

JAVNI KONKURS

za izbor i imenovanje izvršnog direktora za oblast prava - člana Uprave
ŠPD "Unsko - sanske šume" d.o.o. Bosanska Krupa

I (Predmet Javnog konkursa)

- (1) Predmet Javnog konkursa je prikupljanje prijava kandidata za izbor i imenovanje izvršnog direktora za oblast prava - člana Uprave ŠPD "Unsko-sanske šume" d.o.o. Bosanska Krupa.
- (2) Odluku o konačnom imenovanju izvršnih direktora donosi Nadzorni odbor Društva. Na odluku o imenovanju i razriješenoj saglasnosti daje Skupština ŠPD-a.

II (Opis pozicije)

- (1) Uprava ŠPD-a ima sljedeće nadležnosti:
 - predstavlja i zastupa ŠPD prema trećim licima i odgovara za zakonitost rada i poslovanja ŠPD-a,
 - organizuje i vodi poslove ŠPD-a,
 - izvještava Nadzorni odbor, po njegovom zahtjevu,
 - vrši provedbu Etičkog kodeksa i Statuta,
 - izrađuje provedbene propise (Uputstvo i Pravilnik) za postupak nabavke i provedbu Zakona o javnim nabavkama BiH ("Sl. glasnik BiH", broj: 49/04, 19/05, 52/05, 94/05, 8/06, 24/06 i 70/06), te provodi odredbe propisa o nabavkama i po zaključenju ugovora o nabavci podnosi izvještaj Odboru za reviziju i Nadzornom odboru,
 - priprema prijedloge o raspodjeli dobiti,
 - nadzire zaposlenike u implementaciji važećih propisa i provedbenih propisa o nabavkama,
 - obezbjeđuje distribuciju i implementaciju Etičkog kodeksa i postupanje svih odgovornih lica u skladu sa Etičkim kodeksom ŠPD-a, tako što protiv lica koja krše Kodeks provodi disciplinski postupak,
 - vrši zapošljavanje i otpuštanje zaposlenika u skladu sa poslovnikom odnosno poslovnim i važećim zakonima, i u vezi s tim ima dužnost i odgovornosti propisane članom 45. Zakona o javnim preduzećima,
 - zaključuje ugovore u ime ŠPD-a,
 - obavlja i druge poslove, utvrđene zakonom i Statutom, od značaja za nesmetano odvijanje organizacije rada i vođenja poslovanja ŠPD-a.
- (2) Uprava ima ovlaštenja za zaključivanje ugovora ili niza vezanih ugovora čija stvarna ili procijenjena vrijednost ne prelazi iznos od 15% knjigovodstvene vrijednosti ukupne imovine ŠPD-a, bez prethodne pismene saglasnosti većine članova Nadzornog odbora.
- (3) Direktor i izvršni direktori kao članovi Uprave ŠPD-a podliježu dužnostima, odgovornostima i ograničenjima koja su utvrđena Zakonom o javnim preduzećima.

III (Mandat)

Izvršni direktor se imenuje za vrijeme od četiri godine, s mogućnošću ponovnog imenovanja.

IV (Uslovi za imenovanje)

- (1) Za izvršnog direktora može se imenovati lice koje ispunjava opće uslove propisane Zakonom označene u članu 36. Statuta ŠPD-a, te posebne uvjete kako slijedi:
 - a) Opći uslovi:
 - da je državljanin BiH,
 - da je stariji od 18, a mlađi od 65 godina na dan imenovanja,
 - da nije otpušten iz državne službe kao rezultat disciplinske mjere na bilo kom nivou u BiH, u periodu od tri godine prije objavljivanja Javnog konkursa,
 - da se na njega ne odnosi član IX 1. Ustava BiH,
 - da nije osuđivan za krivično djelo ili privredni prijestup, niti se protiv njega vodi krivični postupak,
 - da mu pravosnažnom presudom suda nije zabranjeno obavljanje aktivnosti za poziciju na koju aplicira,
 - da nije izabran zvaničnik, nosilac sudske ili izvršne funkcije ili savjetnik izabranim zvaničnicima i nosiocima izvršnih funkcija,
 - da nije na funkciji u političkoj stranci u smislu člana 5. Zakona o ministarskim, vladinim i drugim imenovanjima Federacije BiH,
 - da nije u sukobu interesa u ličnom ili profesionalnom odnosu s društvom u kom aplicira na poziciju predsjednika, odnosno člana Uprave.
 - b) Posebni uslovi za izvršnog direktora:
 - VII stepen složenosti zanimanja (ili II ciklus studiranja po Bolonjskom procesu), VSS, završen pravni fakultet,
 - da ima najmanje sedam godina radnog iskustva u struci od sticanja VSS,
 - da ispunjava uslove propisane Zakonom o sukobu interesa u institucijama vlasti BiH ("Sl. glasnik BiH", br. 13/02),
 - da ima reference uglednog stručnjaka u svojoj oblasti.
- (2) Prilikom procjene menadžerskih znanja i iskustava za izvršenje poslovnih i operativnih potreba ŠPD-a, kao posebni uvjeti uzimaju se u obzir i sljedeći kriteriji:
 - organizacijske sposobnosti i prilagodljivost timskom radu,
 - sposobnosti savjesnog i odgovornog obavljanja poslova, te nepristrasnog i odlučnog donošenja odluka,
 - rezultati rada ostvareni tokom prethodnog radnog angažmana i preporuka poslodavca,
 - poznavanje jednog stranog jezika,
 - poznavanje rada na računaru.
- (3) Članovi Uprave privrednog društva sa većinskim državnim kapitalom, dužni su proći odgovarajuće stručno usavršavanje u skladu sa propisom koji donosi Vlada Federacije Bosne i Hercegovine.

V (Potrebna dokumentacija)

- (1) Uz prijavu na Javni konkurs sa kraćom biografijom kandidati su dužni priložiti sljedeću dokumentaciju kojom dokazuju ispunjavanje općih i posebnih uslova traženih Javnim konkursom:
 - diplomu o završenju stručnog spremi (nostrificirana diploma ako fakultet nije završen u BiH ili je diplomastečena u nekoj drugoj državi nastaloj raspadom bivše SFRJ nakon 06.04.1992. godine),
 - potvrdu/uvjerenje o radnom iskustvu,
 - uvjerenje da se protiv kandidata ne vodi krivični postupak (ne starije od tri mjeseca),
 - uvjerenje o državljanstvu (ne starije od šest mjeseci) ili uvjerenje kopiju lične karte izdate od nadležnog MUP-a,
 - izvod iz matične knjige rođenih,
 - izjave kandidata uvjerenje kod nadležnog općinskog organa za ispunjavanje općih uslova za tačke 3-9, tačka IV, stav (1), pod a) Javnog konkursa,
 - dokaz da kandidat posjeduje reference uglednog stručnjaka u svojoj oblasti,
 - dokaz o poznavanju stranog jezika (uvjerenje, certifikat ili drugi dokaz) kao dodatni element,
 - dokaz o poznavanju rada na računaru (uvjerenje, certifikat ili drugi dokaz) kao dodatni element.
- (2) Sva dokumentacija dostavlja se u originalu ili kao uvjerenje kopije.

VI (Ostale napomene)

- (1) Komisija za izbor, koju imenuje Nadzorni odbor Društva, nakon zaključenja konkursa će pregledati sve zaprimljene prijave i utvrditi da li su blagovremene i potpune.
- (2) Nepotpune i neblagovremene prijave neće se razmatrati.
- (3) Komisija će razmotriti sve potpune i blagovremene prijave i sačiniti listu kandidata koji su ušli u uži izbor. Svi kandidati koji budu stavljani na listu sa užim izborom će biti pozvani na intervju pred Komisijom. Prije intervjua kandidati su dužni dati podatke o ranijim neposrednim rukovodiocima od kojih se mogu dobiti preporuke i informacije o kandidatima, te popuniti obrazac u kojem će iznijeti bilo koje pitanje koje bi moglo dovesti do sukoba interesa u slučaju da dođe do njihovog imenovanja. Obrasci će se popuniti neposredno prije intervjua.
- (4) Prijava kandidata sa kojim se ne stupi u kontakt u roku od 14 dana od dana isteka roka za podnošenje prijave neće biti razmotrene u daljem procesu kandidovanja.
- (5) Nakon obavljenog intervjua Komisija za izbor će Nadzornom odboru ŠPD-a dati preporuku za imenovanje.
- (6) Komisija za izbor zadržava pravo provjere svih podataka iz izvaja i drugih dokumenata kandidata.
- (7) Sve informacije o toku postupka kandidovanja su javne, osim ako informacije o podnosiocima prijave nisu povjerljive u smislu odredaba Zakona o zaštiti ličnih podataka BiH ("Službeni glasnik BiH", broj: 49/06, 76/11 i 89/11).
- (8) Prijave na Javni konkurs sa traženom dokumentacijom dostaviti lično ili poštom preporučeno na adresu:

ŠPD "Unsko - sanske šume" d.o.o. Bosanska Krupa
Komisija za izbor izvršnog direktora za oblast prava
Ul. Radnička bb, 77240 Bosanska Krupa

Sa naznakom: "Prijava na Javni konkurs za izbor i imenovanje
izvršnog direktora za oblast prava"

(9) Na poleđini koverte potrebno je navesti ime i prezime podnosioca prijave, adresu i kontakt telefon.

(10) Javni konkurs će biti objavljen u "Službenim novinama Federacije BiH", jednom dnevnom listu velikog tiraža i web stranici Društva.

(11) Rok za podnošenje prijave na Javni konkurs je 15 dana od dana posljednjeg objavljivanja.

PREDSJEDNIK NADZORNOG ODBORA
Zlatan Mizić, dipl. ing. el.